

年的滋味（二）

王立全诗两首

王立全

春游月亮湖

浩浩烟波碧，蒙蒙柳色新。
几莺千树转，归燕一行吟。
春雨撩诗意，和风荡酒魂。
方舟天际远，渔女晶阳春。

咏雪帽山瀑布

银河水漫泻人间，坠入深潭白浪翻。
热压群峦惊猛虎，威平众海息狂澜。
水扬峭壁千峰雾，日照飞花七彩颜。
名瀑迎来天下客，寻幽探胜不思还。

关兴元诗两首

关兴元

乙巳迎春感吟

九域龙腾奋进年，关东蛇岁正攻坚。
几多壮举初心鉴，更有英模一脉传。
瑞雪迎春开盛世，红梅报喜靓营川。
民安国泰缘新政，乙巳抒情赋锦篇。

乙巳迎春咏盖州

频传喜讯自京华，科技兴农惠万家。
放眼群山承日月，朝宗众水沃桑麻。
黄梨红果精良米，柞蚕山羊极品瓜。
海蜇扬名如翡翠，渔乡张网满鱼虾。
物饶新岁春风劲，古邑争开四季花。

迎乙巳年春节有怀

曾福祥

一

迅疾微波无远遶，转山转水转云霄。
银龄歌者神尤爽，才俊诗吟浊酒烧。
五福吉祥辞旧岁，金蛇狂舞喜闻韶。
相知何必曾相识，情意泛舟唐宋潮。

二

爆竹烟花奏管弦，彩屏观映画婵娟。
心灵驿站观文阁，励志诗篇响大千。
龙舞墨香留胜迹，蛇行雅意吉祥年。
河山遣绿迎春景，情感殊深福寿缘。

赶红旗大集有感

王大博

行人往返醉朝霞，老友相逢品果茶。
送暖经营依贵客，冲寒买卖问农家。
山梨村酒秋声数，海货池鱼美味夸。
致富清贫歌盛世，知恩必报各无瑕。

曲长平词两首

曲长平

恋芳春慢·贺新春

新岁初临，瑞飘满户，大街欢舞歌扬。爆竹声中，旧腊尽换华妆。腊雪梅枝弄影，更有那、嫩蕊飘香。风渐暖、柳眼初开，引得燕雀回梁。

千家笑语，万城同庆，团圆宴上，沽酒盈觞。互祝祺祥，畅想锦绣时光。且把忧愁尽弃，愿来日、甘泽绵长。春晖里、花绽缤纷巷间，安了心房。

八声甘州·贺新春

叹新春忽至岁华迁，旧尘换新颜。望城乡欢悦，孩童嬉戏，锣鼓喧天。满巷霓虹璀璨，瑞彩映云端。梅绽香盈袖，风暖人间。

游子归乡心切，念亲恩深厚，思绪连绵。聚一堂和睦，同话此生缘。盼明朝、吉祥如意，事业兴、佳绩再扬鞭。宏图展、辉煌铸就，福佑千年。

王学东诗两首

王学东

双城迎春

腾跃银龙逸绝尘，金蛇狂舞炫姿新。
遨游峻岭朝阳上，邂逅辽河晚月巡。
与鹤飞翔芦伏起，随冰搏击水弯伸。
流连车辆宏桥越，聚力营盘两友邻。

春潮向海“营”未来

潮辟坚冰浪咏抬，东风化雨荡尘埃。
远眸草绿芽新艳，近览花红树又开。
北港旅游欢乐到，南城世事喜春来。
玉龙入海金蛇舞，水殿晶宫美妙哉。

张洪广诗两首

张洪广

贺新春

灵蛇起舞庆华年，岁序更新好运连。
梅蕊俏枝香满径，桃符焕彩福盈天。
花灯万盏辉祥瑞，醇酒一壶醉笑颜。
喜借春风迎淑景，复兴伟业梦长圆。

喜迎新年

龙腾玉宇秀华章，蛇舞新春送吉祥。
梅蕊含情添秀色，柳丝着意沐晴光。
楹联对对门楣艳，笑语声声福寿长。
美酒斟杯融我愿，神州九域永宁康。

韩克之诗两首

韩克之

迎春

琉璃酒盏满屠苏，油爆鲜鲤卤稚雏。
意欲登高足不力，扶梯唤儿挂新符。

新春

戌钟未响等联欢，亥纳财神鞭震天。
大地知春寒意少，风吹一夜过榆关。

葛凤霞诗词二首

葛凤霞

贺新春

灯楼辉彩夜，瑞雪艳芳晨。
爆竹千声远，诗联万户新。
举杯歌盛世，起舞炫红尘。
浩荡东风暖，乾坤草又春。

卜算子·贺新春

火树绽银花，炫彩光无限。华夏欢腾四海红，歌舞飞成片。

春日喜相逢，户户团圆宴。绿酒金杯祝吾邦，国泰民安健。

郑庚满诗两首

郑庚满

暖冬

老树寒鸦夕照明，终冬河水冻初平。
芦花似雪任风舞，梅蕊含霜带笑盈。

迎新春感吟

夜赏梨花落九霄，银装素裹展妖娆。
寒来冬季红梅笑，鹤舞霜晨翠竹娇。
胜景千般妆北域，奇峰百态塑南郊。
雄鹰展翅翔天宇，壮美神州涌浪潮。

孙国尊诗两首

孙国尊

春日晨行

东岗三丈日，缺月挂西天。
踏雪留新迹，凌风别旧年。
山羊觅食苦，孤鸟卧巢寒。
窄路明光镜，前行步履艰。

春梅

尽展冰姿气节坚，终将香气碾尘丸。
芳名无愧真君子，冷暖轮回皆凛然。

迎蛇年寄咏

刘世俊

一

斗折蜿蜒舞小龙，灵光闪闪兆年丰。
蒙恩知报隋珠献，难得生来笃意浓。

二

神龙隐去见蛇形，拥抱新春迓素灵。
喜幸故园逢盛世，欢欣家国共康宁。

新春感怀

李雅妮

一

时序回春寒未收，冷风扑面绪思稠。
旧年已去情难舍，新岁初来梦可留？
日月如梭吾已老，江山若画景常幽。
愿君珍惜今时好，莫待明朝空自忧。

二

四季匆匆岁又更，碧空如洗转玄英。
对联福字门楣亮，大厦长衢喜气盈。
往事已随云远去，新篇正待笔来耕。
华灯璀璨亮天地，万户千家乐举觥。

苑庆荣诗两首

苑庆荣

新春致友

白隙飞流如逝梭，偷光凿壁问时多。
甲辰捷报催庚续，乙巳征程启绿波。
老骥重生惜日月，新翁振奋揽星河。
神州丙午看来路，群骑腾尘八面歌。

喜迎新春

银蛇狂舞漫山川，五谷归仓排闥圆。
锣鼓喧天人雀跃，一壶老酒庆新年。

曲笑范诗两首

曲笑范

瑞蛇迎岁

春序来临瑞彩妆，灵蛇贺岁舞穹苍。
烟花璀璨冲霄汉，爆竹声威震八方。
赏景挥毫书雅韵，邀朋把盏赋华章。
讴歌祖国恒昌运，四海升平颂祚长。

蛇舞新春

寒梅傲雪唤春光，蛇舞翩跹送吉祥。
漾碧融冰波缓起，涂青翠岭草初芳。
街衢结彩人潮涌，巷陌张灯喜气洋。
且看九州兴旺景，龙腾盛世正辉煌。

杨月琴诗两首

杨月琴

春节感怀

春信如约恰此时，寒梅邀雪两相痴。
乾坤万象千般景，乙巳稻香事可期。

贺新春

街头巷尾挂灯笼，户户门楣对对红。
赓续龙蛇光景好，爆竹声里意无穷。

刘孝明诗两首

刘孝明

过年

新置屠苏盏，千家喜气盈。
跨年增一岁，辞夜送三更。
岁守高龄母，更敲晓梦钟。
天明开曙色，瑞雪兆门庭。

守岁

除岁千家人共依，满城灯火度良夕。
开门送走长明夜，鸡叫朝阳是所期。

梅雪争春

程友松

玉覆荒山无翠茵，百花次第碾成尘。
满天银羽遮香骨，几树红芳现小嗔。
冰浴朱颜犹烂漫，风摧虬干倍精神。
凌寒从未含颓态，岁转年来即是春。

张志刚诗两首

张志刚

迎蛇年咏蛇

乘雾潜姿经百世，接龙续圣又迎春。
屈伸有度身灵动，流转依时幻如神。
休怪心生吞象意，亦能无足穿梭频。
深情冷血盈仙草，千古图腾寓意新。

迎春

半街焰火半街灯，风舞霞飞贯满城。
结彩贴符正月闹，放歌对酒拜年声。
适逢佳节爽神气，感遇今朝赋激情。
又是一年蛇启岁，流光炫映彻宵明。

高德勋诗两首

高德勋

盼春

严寒冬日朔风寒，处处冰封花木残。
美景山川失雅意，湍流河海息琼澜。
园林萧瑟罕人迹，畴野苍茫多雪原。
期盼新春回大地，复还万物共腾欢。

庆春

朵朵红梅齐报喜，莹莹瑞雪贺新年。
万颗礼炮惊天际，十亿神州绽笑颜。
物阜粮丰民福乐，政通军壮国平安。
舟行舵正中枢掌，百姓生活岁岁甜。

新春小聚

闫丽华

一

节日回家谨奉厨，双亲健在复何图。
融融满屋春和气，足以倾情醉一壶。

二

美酒金樽漫溢香，兰台佳会佐春光。
结缘文字识良友，秉性至诚书玉章。
诗载千年颂风雅，梅开万朵竞芬芳。
吟怀有梦共知己，不枉倾情醉一场。

供稿：营口王充闾文学研究中心
营口市诗词学会